

Lago su mata grandi di Pasco



E mata grandi di Pasco dorna riba Cat Cracker (PCAR)



E oficina mayor (G.O.B.) tur dorna pa e temporada di Pasco

Durante e Di Dos Guerra Mundial (1939-1945), e refineria di Lago tabata e exportador di mas grandi di e producto di gasolin di aviacion. For di cada 12 bari di e gasolin aki usa pa e aliadonan, uno tabata for di Lago. Despues cu e guerra a termina, Lago a dicidi di pone un mata di Pasco riba e Cat Cracker (PCAR) pa duna un sentido gigantesco di Pas. Tambe Lago a dorna e oficina mayor G.O.B., Esso Club, Marine

Club, e dining hallnan cu borchinan di seguridad, tur na lus colorido iluminando saludos di temporada cu e deseo na dos idioma" Felices Pascuas y Happy New Year", na tur empleado.

Na cierto momento durante e dianan di guerra e refinaria y Lago Colony mester a opera den un scuridad completo. Despues, e lusnan di e Cat Cracker a bolbe sende manera un mata di Pasco tur aña. E tempo ey e mata di Pasco aki a wordo considera como esun di mas grandi di mundo. Inicialmente, no tabatin hop lus di adorno, pero durante añanan cu a sigui nan a bira varios cien. Un strea a ser poni na top di e mata y a construí'e na un manera cu e por a draai cu e biento y e lusnan di color ta sende paga. Na un haltura di 23 piso, probablemente e tabata e structura di mas grandi di mundo, decora como un mata e tempo ey.

Cu varios cien lus di color y tambe reemplasando e lusnan blanco tur rond di e planta, Lago su simbolo grandi durante Pasco tabata para na un haltura di 244 pia halto na e top di e strea di 10 pia y por a ser mira na un distancia di 27 miya for di lama. Hasta nan por a mir'e for di Punto Fijo, Venezuela cu tempo bon. Sr. Benny di Murro y e electricistanan den e area di e planta High Octane tabata responsabel pa e decoracion.

Ta masha hopi di nos hendenan, incluiendo turistanan tabata core bay den Lago Colony anochi pa bay admira y saca potret di e Mata di Pasco aki y tambe e oficina mayor cu tabata hopi bunita dorna.

E ultimo aña cu nos por a admira e mata di Pasco aki tabata e temporado di 1984 door cu Lago a sera su portanan dia 31 di maart 1985.

Dufi Kock

Escritor y Historiado

Lid in de Orde van Oranje Nassau 2006

Personahe Prominente di Aruba 2017

Prome Baluarte di Savaneta 2018

Honorary Member Blaauwbaai Foundations Curacao 2018

Miembro Honorario Lanta Nos Papiamento 2018

Miembro Honorario Museo di Antiquedad - Nos Bieunan 2019